

Иқтисодий тараққийёт ва камбағалликни қисқартириш ҳамда Молия вазирликларига!

«ИСТЕЪМОЛ САВАТЧАСИ»

ТУШУНЧАСИ ҚОНУНЧИЛИҚДА МУСТАҚАМЛАБ ҚЎЙИЛАДИМИ?



«Ishonch»
САВОЛИ

Анжуман

Мақтабгача таълим:

ТОШКЕНТ НУФУЗЛИ ТАДБИРГА МЕЗБОНЛИК ҚИЛАДИ

Жорий йилнинг ноябрь ойида Тошкентда ЮНЕСКОнинг эрта ёшдаги болаларни тарбиялаш ва таълим бериш бўйича II Бутунжаҳон конференцияси ўтказилади.

Мақтабгача таълим вазирлигида бўлиб ўтган матбуот анжуманида таъкидланишича, илк шундай анжуман 2010 йилда Россияда ўтказилган бўлиб, унда мақтабгача таълим йўналишидаги муаммолар, айти йўналишидаги илғор тажрибалар ўрганилиб, таҳлил қилинган.

Пандемия туфайли икки йил кечиккан ва Тошкентда ўтиши кутилаётган навбатдаги анжуманда дунёнинг 200 дан ортиқ давлатидан таълим вазирлари келиши кутилмоқда. Унда мақтабгача таълимга оид муҳим мавзуларда чиқишлар бўлади, мавжуд муаммоларга ечим изланади. Шу билан биргаликда, сўнгги 5-6 йил ичида қамровни 27 фоиздан 69,4 фоизга етказишга эришган, 6 ёшли болаларнинг мақтабга тайёрлов тизими билан эса 84 фоизлик кўрсаткичга етган юртимиз мақтабгача таълим тизимидаги ютуқлар ўрганилади. Шунингдек, халқаро конференция доирасида келгуси 10 йилликда соҳа ривожини учун муҳим йўналишлар, қилинадиган ишлар акс этган «Тошкент декларацияси» ҳам имзоланиши режалаштирилган.

Мақтабгача таълим вазири Агриппина Шиннинг маълумот беришича, айти вақтда юртимиздаги мақтабгача таълим ташкилотлари сони 28 мингдан ошган. 2017 йилда тизимда 58 минг нафар ишчи-хотим фаолият кўрсатган бўлса, бугунга келиб, бу кўрсаткич 149 минг нафарга етган. 2017 йилда давлат бюджетидан мақтабгача таълимга 2 триллион сўм маблағ ажратилган бўлса, 2022 йилда бу рақамлар 9 триллиондан ортган. Шунга қарамайдан, олдинда қилинадиган ишлар кўп. Хусусан, тарбиячиларнинг билим ва малакасини ошириш, қишлоқ ҳудудларида қамровни кўпайтириш энг муҳим масалалардан бири бўлиб турибди.

Матбуот анжуманида ЮНЕСКОнинг узлуksиз таълим сиёсати ва тизимлари бўлими бошлиғи Чакрун Борхен ва эрта ёшдаги болаларни ривожлантириш дастури мутахассиси Диавара Роҳаялар ҳам иштирок этиб, юртимизда мақтабгача таълим йўналишида амалга оширилаётган ислохотларни эътироф этишди.

Зебо НАМОЗОВА,
«ISHONCH»

Истеъмол саватчаси – тирикчилик учун зарур энг кам миқдор. Янада соддароқ айтганда, истеъмол саватчаси – муайян вақт давомида инсон ҳаёти учун зарур маҳсулотлар, товарлар ва хизматларнинг энг кам тўплами. Ҳамма овқатланиши, кийиниши, коммунал ва бошқа хизматлар ҳақини тўлаши, зарур дори-дармонларни харид қилиши лозим. Буларнинг барчаси маҳсулотлар саватчасида ўз аксини топиши керак.

Ўзбекистонда истеъмол саватчаси ўрнига минимал истеъмол харажатлари кўрсаткичи қўлланилади. Мазкур кўрсаткичдан пенсиялар ва нафақаларнинг энг кам миқдори, шунингдек, кам таъминланган оилаларга бериладиган моддий ёрдам миқдори, ижтимоий ёрдамга муҳтож аҳолининг мақсадли гуруҳини аниқлаш ҳамда мамлакатда камбағаллик чегарасини белгилашда фойдаланилади.

Шу кунларда «Аёллар дафтари», «Темир дафтар» ва «Ёшлар дафтари»га киритилган аҳоли қатламини ижтимоий муҳо-

фаза қилиш бўйича қатор эзгу ишлар амалга ошириляпти. Ўз навбатида, истеъмол саватчасини аниқлаш орқали фуқаролар даромадининг яшаш минимумига тенг миқдорини солиққа тортмаслик ҳам мазкур аҳоли қатламини ишончли ижтимоий муҳофаза қилишга хизмат қилган бўларди.

Президентимизнинг Олий Мажлисига 2017 йил 22 декабрда йўллаган Мурожаатномасида илғор хорижий тажриба асосида аҳолининг муносиб ҳаёт даражаси учун зарур бўлган даромадларни аниқлаш бўйича «истеъмол саватчаси» тушунчасини қонунчиликда мустақамлаш ва уни амалда таъминлаш механизмларини яратиш вазифаси қўйилган эди.

Афсуски, давлат раҳбари қўйган бу долзарб вазифа ҳануз бажарилмаган. Хўш, «Истеъмол саватчаси» тушунчаси қонунчиликда мустақамлаб қўйиладими?

Бу саволга мамлакат иқтисодиётига масъул юқори бошқарув органлари – Иқтисодиёт ва Молия вазирликларидан жавоб кутиб қоламиз.

Анваржон ҲАЛИМОВ,
«ISHONCH»

Тошкент
вилояти

«Аёллар дафтари»ни
варақлаганда...

«Мен оёққа турдим»

Ўртачирчиқ туманида яшовчи Азиза Қурбонова кўпдан буён кўксартроз касаллиги (оёқ суюқларининг емирилиши) билан оғриб келарди. «Аёллар дафтари»нинг учинчи босқичида рўйхатга олинган, унинг дарди ариди.


– Хукуматнинг беминнат ёрдами билан дарддан фориғ бўлдим, – дейди у. – Ҳозирча қўлтиқтаёк ёрдамида ҳаракатланаётган бўлсам-да, яқин кунларда буткул соғайиб кетсам керак.

Қайд этиш жоиз, «Аёллар дафтари»нинг учинчи босқичида Ўртачирчиқ туманидаги ижтимоий кўмакка муҳтож 2 минг 737 нафар хотин-қиз олти тоифа бўйича рўйхатга олинган. Айти вақтда уларнинг муаммоларини ҳал этишга киришилган.

Шоира ОХУНЖОНОВА,

Ўзбекистон касабаси уюшмалари Федерацияси
Тошкент вилояти кенгаши раисининг
ёшлар масалалари бўйича маслаҳатчиси

Кун ҳикмати



Сиз илмга
бор-йўғингизни
бермагунингизча,
у сизга бирор
нарса бермайди.

Имом Ғаззолий

Келгуси
сонларда
ўқинг...

Муқова
муҳимми
ёки мазмун?

Онг
остиға
ов

Спорт



Турсуной ОСИЁДА ТЕНГСИЗ

17-25 июль кунлари пойтахтимизда оғир атлетика бўйича ўсмирлар ва ёшлар ўртасида Осиё чемпионати бўлиб ўтди.

Унда дунёнинг 21 та давлатидан 250 нафардан ортиқ спортчи иштирок этди. Юртимиз шарафини бош мураббий Жўрабек Заиров бошчилигидаги 34 нафар спортчи ҳимоя қилди.

Чемпионат якунлари бўйича Ўзбекистон терма жамоаси умумжамоа ҳисобида биринчи ўринни эгаллади. Ёшлар тоифасида ўзбекистонлик спортчилар 12 та олтин, 4 та кумуш ва 16 та бронза медални қўлга киритган бўлса, ўсмирлар ўртасида эса 13 та олтин, 13 та кумуш ва 14 та бронза медалга эга чиқди.

Ғолиблар орасида Ўзбекистон касабаси уюш-

малари Федерациясига қарашли Республика иқтисослаштирилган болалар ва ўсмирлар спорт мактаби тарбияланувчиси Турсуной Жабборова ҳам бор. У 87 кг. вазн тоифасида ёшлар ўртасида баҳсга киришиб, даст кўтаришда ҳам, силтаб кўтаришда ҳам олтин медалларни қўлга киритди ва Осиёда тенгсиз эканини яна бир бор исботлади.

Терма жамоамиз аъзоларини ишончли ғалабалари билан кутлаймиз!

Зебинисо ЯНГИБОЕВА

